


民國叢書

第四編

• 96 •



PDG

序

余執友約園張君早歲待尊人肖弄先生京邸先生授以經史並宋五子書根柢深厚壯而施於政數歷南北焯焯著聲續顧君之素願在藏富於民槩根錯節不能盡行其志也退居海上立光華大學躬領講席綜諸經及子史大義勲勲教學于遭世多故遵時養晦亦不能盡如其願廣搜鄉先賢著述手校付刻多至一百六十種諸書必有序跋發揮要指言無不盡既乃彙錄別行兼及所作詩文題曰雜著君之言曰以詞求吾文則詞未修以法繩吾文則法未守獨理之所在則不敢輕意掉焉余謂如君言非卽所謂因文載道者歟既得爲文之本詞與法安有不從者頃君諸子復錄君近所作都八卷次爲三編君既富藏書尤好搜羅未刻稿本同郡人述作復彙爲四明叢書八集他種亦皆爲序跋詳舉其概要並其撰述緣起君之言曰吾文不足存存其書存其事庶幾吾文亦存余則以爲其書其事正賴君文以傳相得益彰則有之矣君何言之謙也君博採旁搜不遺小善史館同事姚君仲實嘗爲惜抱軒詩作注史成館撤散處鄉里仲實以其書屬其友趙君攜以致余臨發舉冬至欽吳白華齋中詩注有闕誤口授趙君改正余感其意深摯因讀之終卷凡其中闕誤余所見及者悉爲補正將以寄仲實商榷更定初不欲以自名也今仲實已旅沒桂林君見之乃採入君書卽此一端君書之詳博確實可知矣初編刻成君正六十君諸子續述庭聞以書其後今年君七十而三編通成余乃爲之序以爲視世俗視延介壽之文當復稍勝君方感疾余文誠不逮古倚枕讀之當自快著作等身陽氣滿大宅也乙酉四月甌山愚弟金兆蕃拜序

自序

天錫我老而老我以文豈偶然哉以文娛老不過自娛而已數十年來不敢以文自娛然借我之文以傳人之事而其事傳而我之文工拙則不必計焉且古人所謂識大識小者莫不有文武之道道固無分大小也守泰然之天君以窺自然之道妙競競者此耳如余年六十編集約園雜著越五年又輯續編今由續編更爲三編余文多不足存然古人之事則或藉此以存抑余以讀書人而號藏書家者所得皆中駟耳人曰倭宋我曰避宋購一宋而非宋者百部千部甚或萬部去矣獨可誇者鈔本耳歷年之所著都二百餘種有批校本爲有精鈔本爲有稿本爲有普通寫本爲余既幸而得此若不爲之闡揚幽渺苟一零落後人安知更有此書存者乎余積年本有題誌此五年中講學餘閒汲汲焉更爲補綴所以爲此者聊誌其書之淵源然世之君子讀我題跋腐朽發光得所見或因喜其跋而追求其書共相鈔錄或擇其善者思雕印以廣其傳則世必不譏余爲優藏目余爲獻珍炫而諒余印斯編之意亦所以述其業傳其書也憶丁丑之冬避難僻地編輯書目以刊本刻歲爲次開編目之創例即元明刊本編年書目是也余以讀書人而號讀書人之藏書者今又忽爲好古家之藏書人矣此則又可笑者也若夫鄉書之輯十已得入天其許我繼續爲之乎余喜咏元次山詩不識天地心徒然怨風雨夫天地自有位置我者我將覘諸它日以靜聽天地之位置而笑怨者之不達也乙酉冬約園

今歲仲夏 家君七秩覽揆光華大學諸校友議爲稱觴祝嘏 家君一再辭謝固請不獲 嘗語諸校友曰 家君自乙丑始辦光華退政以來益致力於斯其平生抱負厥惟陶毓人才與保存文獻二事光華創立歷二十載今雖校舍片瓦無存而 家君誘掖學子之心曾不稍懈歷年講稿已校印者有史學大綱與諸子大綱二書經學文學之部尙待整理至桑梓文獻則事變以還猶獨力續刊四明叢書至第七集其第八集雖未就事稿目亦已粗定邇來更將海內罕覩之批校本稿本精鈔本一一爲之題跋並命 排比已成之善本書目以待付梓俾世之闕懷文獻者得稽覽焉諸校友聞之乃議集羣力刊行是編欲於 家君古稀華誕之日紀念廿載辦學之勞於是再請於 家君 家君莞爾許之於是諸校友彙集費諸薛君迪符其及之者有喬進安俞傳鼎先生而以倪君一鳴擔任校對書成爰誌數語用表謝忱乙酉五月男 謹識

約園雜著三編目錄

卷一 藏書題跋一 批校本

經部 小學書 明嘉靖本三禮 弘治本五經白文 誠齋易傳 周易集註 雍正仿宋監

本書經 刊謬正俗 篆法偏旁點畫辨 釋篆法辨

史部 劉今度批校史記 俞元圻批校史記 全祖望刪定晉書 手校宋南宮靖一小

學史斷 張挺批函史 絳雲樓書目 拜經樓題跋 曝書雜記

子部 潘爵批南華真經副墨 舊校春秋繁露 先給諫批校困學紀聞 夏文鼎爲黃

蕘圃校閻注困學紀聞 黃蕘圃批校蘆浦筆記 黃蕘圃校灑水燕談錄 黃蕘圃校

宋姚寬西溪叢語 譚復堂獻手校意林 阮元集幕友何元錫等校太平御覽

集部 屠赤水陸評點徐孝穆集 顧東巖手錄汪堯峰王西樵王漁洋批點杜詩偶評

無名氏批杜律虞注 俞叔平同蘇手錄五色評韓昌黎詩注 依宋本校樓攻媿集

孫玉仙師鐫手校剡源集 潘次耕米批點青邱詩集 張讓三丈美翊手校張蒼水公

全集 先給諫校註彭湘涵北蓀小謨觴館文集 楊秋室鳳苞批校鮑埼亭札記 陳

仲魚鱸手批唐詩英華 吳穀人錫麒批點唐詩鼓吹 李春湖手批二馮評點才調集

西崑酬唱集 唐宋金元明歷代詩題詩鈔 李葦客慈銘手批越風 先給諫校註李

兆洛駢體文鈔 金錢孫兆蕃校注惜抱軒詩集訓纂

藏書題跋二

明抄本

經部 啓新齋易像鈔 孝經 春秋集傳 詩經圖譜慧解 廟制圖考 考工記圖解

說文考異 漢詁纂 論韻 說文字原

史部 前漢書隨筆 宋史記 明史稿跋一 明史稿跋二 世本集覽 統系源流

從亡隨筆 明小紀 皇明末造錄 甲申傳信錄 明季見聞輯錄 南疆逸史 明

季南略 燭火錄 莊氏史案本末 東坡指掌圖 今古輿地圖 臨安志 四明文

獻錄 句章徵文錄 四明郡志 寧波府志 牛首山志 寓山志 南田開墾新舊

檔案 雪竇寺志略 師友淵源錄 兩浙耆獻傳略 兩浙明遺獻傳略 平定交南

錄 王履軒楚材又名林村手錄全氏七校水經原屬楚材 浙東山水簿目 南疆勘界日

記圖說 寶刻叢鈔 雨壘軒校漢碑錄 兩浙藏書錄稿 四明經籍志 四明經籍

提要甲集 章太炎自定年譜

子部 鐵網珊瑚 珊瑚木難 聖門禮樂統 元儒學案 歷代道學統宗淵問對 類

輯姚江學脈附諸賢小傳 王陽明先生書疏證 萬季野講經口授 老子斷注 張

冷僧訂並手鈔高註三書異同訂 御製天玉曆祥異賦 草廬合璧遺書 太乙秘訣

職官分紀 喻象 寶日堂札記一題寶 山居隨筆 尊行日記 琯朗乞巧錄 青林

山房雜誌 五色線補 養疴漫記 畫繼 千卷樓隨筆

集部 皮子文藪 范文正公別集四卷 文潞公文集 北山小集 公是集錄 友林

卷三 藏書題跋三

普通抄本

乙案 劉後村集續編 石堂遺集 慈湖遺書 網山集 閒過齋集 不繫舟漁集
剡源集 夷白齋稿 桐江集續集 胡仲子集 張冷僧宗祥手鈔趙氏家藏集 紫
薇堂集 董山文集 留仙詩集 曉巢集後集 松泉文恆詩漸 松泉文存殘本
杲堂文鈔內集別錄附錄李氏家傳詩鈔 湛園未刻稿 復齋遺集 定海黃氏父子
兄弟未刻遺書 袁西山文集 二硯窩詩稿偶存 童柘叟遺著十八種 方啓南碩
輔遺著三種 楠梅花廬詩集 養素樓吟稿 西崑醉唱集 崇古文訣 石林詩話
雍熙樂府 姚復莊變手寫蛟川詩繫 四明詩萃

經部 野崖心易發微 禹貢說長箋 魯詩世學 毛詩鄭箋纂疏補協 詩經廣詁

周官祿田考 釋骨 春秋左氏傳續說

史部 春秋簡秀集 補三國兵志 皇朝紀年 明史傳稿 節鈔明史列傳 萬曆三

大征考 迎鑾三紀 皇清開國方略 北戶錄 家世舊聞 舊聞證誤 呂公實政

錄 玉几山房聽雨錄 歷代奏議精粹 東觀奏記 賀監紀略 皇明名臣基誌

續表忠記 二續表忠記 歷代節義名臣錄 儒林傳擬稿 同姓名錄 古今氏族

雜證 浙江碑錄 唐書直筆 唐史論斷

子部 長短經 經筵玉音問答 筆噤 維積錄畜德錄拘虛窮言詢芻錄 女範淑烈

集 問津錄 穎川語小 古今釋疑 釋車 余炳文手札 小眠齋讀書日札 物

類相感志 空際格致附地震解 道書 經咒序彙 硯箋 郁氏書畫題跋記殘本
通文館志

集部 鹿門集 宗玄先生文集 鈞磯文集 東觀集 斜川集 廣陵集補遺拾遺附

錄 盤洲全集 呂東萊文集 謝疊山集 鄱陽集 龍洲集 履齋遺稿 退菴先

生遺集 安岳吟稿 宋黃幹勉齋集 茗溪集 陳止齋集 龍雲集 都官集 盧

溪集 溪堂集 陳后山集 盤洲文集 蛻庵集 勤齋集 巴西文集 玉斗山人

集 所安遺集 默菴集 三元人詩 桃溪百詠鯨背吟 瓊芳集 金子有集 朱

文肅詩集 休休齋集 劍溪謾語 鳩茲集選 養疾唱和詩 嬌娃子集 愚谷詩

稿 密娛齋詩集 趙尙書集 萬氏家寶九種 陳新進銘海補注全謝山句餘土音

雲石居詩稿 官梅閣詩稿 十二山人文集 不枝求齋文存詩存 雪汀詩集殘卷

元本張小山樂府 任則明樂府 錄鬼簿 四明人著述鈔本彙跋 編製書目彙誌

卷四 約園元明刻本編年書目上

卷五 約園元明刻本編年書目下

卷六 四明叢書第八集序文

虞預晉書 放齋詩說 舒燧堂詩文存 石魚偶記 安晚堂詩集 梅讀稿 白嶽游

稿 攝生衆妙方 徐徐集 碑帖記證 甬上高僧詩 四明文徵 周季編略 鄉諺

證古 徐偃王志 容膝軒詩文集 味吾廬詩文存 峽源集

卷七 雜文

今古輿地圖序 詩史初稿序 史學大綱序 諸子大綱序 讀詩臆斷序 莊子臆斷序 謹墅文集序 恆簡齋詩文集序 潛龍漚李氏家乘序 象山姜氏宗譜序 酸醃工業序 工程師手冊序 領袖學序 跋董吳仲允璘上苑國燮光陽論周元公太極圖說札 挾江李氏南壽祀記 題史兆琳藏陸純嘏山水畫冊 贈徐君肅肯序 贈陳君九皋序 贈胡君錫安六十壽序 陳季壽先生八十晉一暨鄭淑人七十晉一壽言 方君叔伯六十壽序 傅德予先生六十壽序 贈葉君叔眉六十壽序 紅亭英先生家傳 擬紹興志王家襄傳 馮雪卿先生家傳 陳禾生先生家傳 方選肯先生家傳 李節母王太孺人家傳 財政部庫藏司司長李祖恩墓誌銘

卷八 詩

哀季弟兼自述十二首 詩付星聯 詠楊見心宋元輿志題識叢錄 古驢室歌 題先父賜伯姊扇面遺墨 題虞和欽詩薰精舍圖用杜工部樂遊園歌韻 六十五歲生日題天遊廬詩 贈錢士青七十 壬午夏光華同學來會戲作光華歌 和李木公自況韻兼示恩廉 憶昔贈寧波公報 輓方母王夫人 題汪宏聲藏海日樓遺墨 爲史兆琳題二老遺翰 題鄭江送別圖 爲瞿季剛題詩禮懷永圖 題孫華成桐蔭高逸圖 書蔣竹莊七十二首 覺園有小池池邊白梅初葩偶賦二絕 壬午夏王蓉卿以袁爽秋先生墨蹟見眎爰用遺詩本事題一律 輓顏煥奎同學 輓徐積餘 題史兆琳永儀閣

圖 餞別光華大學十六屆畢業同學 壬午除日 贈張孟劬七十 贈別壬午畢業同
學 癸未夏與光華戊辰年畢業同學攝影 癸未冬與光華三三級畢業同學攝影 癸
未生日滬上攝影 癸未除日二首 甲申元旦 壽周止庵先生八十 甲申夏與光華
校友敘舊 乙酉元旦 欽懋長姪孫合菴 乙酉三月初三日五十年花燭重逢 有悟
乙酉七十生日

約園雜著二編卷一

藏書題跋一

批校本

經部 小學

明嘉靖本三禮 明吳郡徐氏繡宋刻三禮曰儀禮十七卷周禮十二卷禮記二十卷皆鄭注也三禮尤以儀禮爲最善汪氏家禧亟稱之得一已難況得其全乎今由陶氏涉園移歸於余余尤喜儀禮爲顧千里_{新廣}手校雖千里校書勇於自信然究與尋常不同也周禮禮記惜未之校余因取士禮居所刻周禮與之互勘略校一過著之書楣惟禮記無善本可譬校耳吳君眉生曾借此書爲攷淵源題綴數語余併附錄於此亦以見校書之難也乙酉春約園

吳眉生誌云徐刻三禮以儀禮爲最善然有初印後印之別後印本有剜補擠刻之字於宋本並不盡同甚有改從俗本者如喪服大夫去君婦其宗席初印本作婦與唐石經同宋嚴州小字本亦作婦乃後印本改婦作歸依通行俗本大謬四部叢刊假葉郎園藏本景印卽後印本也此本紙墨不甚精乃初印之次者尙無改刻之字顧千里據北宋本校並取唐石經本嚴州本景海單疏本張澹識誤大略參校至可珍貴惟顧氏校書往往勇於自信如聘禮對曰非禮也敢辭謂唐石經敢下衍一辭字自宋以來經注各本皆仍其譌此猶可援賈公彥疏及魏了翁要義之說爲解若士喪禮卜宅如初儀謂卜宅依別本作卜擇唐石經北宋本岳本併誤愚意卜宅者卜喪居也嚴州本亦作宅今依通行俗本改宅作擇謂諸善本一切皆誤如何可

從顧校本舊在陶蘭泉處今歸張氏約國介胡孟嘉同學借讀併傳校一過略識數語以誌因緣乙亥端陽後十日丹徒吳庠記

徐刻儀禮陳簡莊葉邵園各有長跋一通陳校用初印本專取唐石經對勘葉用後印本專取嚴州本對勘陳跋在經籍跋文十九篇中刻入別下齋叢書乃管芷湘所手校譌奪之虞甚多不獨彼書芷湘在當時薄負校書名不知何以荒率至此葉跋在邵園讀書志中鉛字排印誤字亦多葉氏校書時並不知所見爲後印本遂於初印本佳處略去甚矣校書之難也後二日庠再記

弘治本五經白文 此五經白文十六冊爲明弘治九年丙辰栗川周氏刻本其自跋云覆考舊文字加鑒校謹遵正韻而端刻之洵哉端刻也此書經抱雌讀過抱雌不知何人待考其於易獨詳詩次之禮又次之禮之曲禮朱筆題者別一人非抱雌也書春秋則又次之然五經徧讀到底不懈有恆人也書面題抱雌臆說或題偶解所說不矜奇立異而平易近人於詩遵序惟闕則持異論統觀之不失爲篤實君子余以四百番購置之子孫宜寶焉壬午秋約國

誠齋易傳 余既得明療鶴亭本誠齋易傳二十卷今更得此爲慈谿鶴麓山房葉氏元堦刻也常熟翁相國同錄取古今史事有益世道人心而可挽救末俗者盡錄於眉端其是否舛生親筆雖尙待攷而自始至終一筆不苟所錄均爲粹語則誠有足寶者焉茲取其卷端自記錄後亦可見古大臣於治亂之幾否泰之兆無時不在心也世之祗常熟者謂甲午主戰戊戌主變法余讀其日記甲午主戰者實出自兩宮但常熟未能阻之耳戊戌之變法盡人知其不得不變矣更

何能爲常熟罪也爰論及之乙酉春約圖

同治四年臣蘇入直弘德殿其時穆廟冲齡臣實司講事今上御極臣授書殿中上尤喜周易往往引史事下問臣對以宋臣楊萬里易傳最爲簡切因進是書日講數葉於治亂之幾否泰之際未嘗不反覆三致意也臣夙藏一本爲宣宗潛邸時所儲有皇太子圖書贊正書屋各印書之上下方有秦鑑曾敬錄史事而題籤則蕭山湯文端筆也旣以進御乃就每日所講諸史錄於此本以備遺忘戊戌歸田舊帙散佚忽於篋中見之西清帷幄已如隔世而猶得以炳燭殘年省愆讀易其感幸爲何如哉光緒辛丑四月朔臣翁同龢敬記

周易集註 清嘉慶間歙吳定宇澹泉旣作周易集註八卷自序謂年三十八始殫精於易有一言一義之盲於心每捐寢食求之不可得則筮之必意與聖通而後慊不自量度敢排纂衆論而棄取之箴諸書以貽諸二三子若曰此古人之遺訓云耳序作於嘉慶壬戌書刻於甲子旣刻以後更自改定其小者如稱引之姓字歸於畫一以爲集註之例自唐以前李氏集解所列諸家皆僅舉其氏以傳者希舉其氏卽知其人也其有一氏兩人或數人者則必有以別之唐陸氏今傳者衆矣故不得不著其字字不知則敬記其名或名字皆不知亦但舉其氏而已故改本悉依此例其大者凡已刻本所采諸說開有漏略則必詳爲訂補自卷一至八卷均有訂正皆勝於初本末有門人識云謹照澹泉師自改本更校一過時在嘉慶戊寅重九前三日蓋距甲子十五年矣將以重刻也此稿本乃得之於余是可貴也乙酉春約圖

雍正仿宋監本書經 此爲劍溪堂雍正二年刻本而張叔未自始至末一一取諸家之說

錄之眉端不足則書於每行之末其於禹貢水道源委考之尤爲詳備凡所取者不拘漢宋惟是之歸不特可以之課初學卽求書之精義亦不外是也誠可寶也凡墨筆書者乃錄書序當別一人之所錄非叔未筆也此書間有殘簡宜重裝之乙酉春約園

刊謬正俗 余先得安成顏氏欲章所編顏氏遺書中之顏師古刊謬正俗八卷因錄副焉適又見張氏苴圃舊藏黃蕘圃校影宋鈔本爲之一一雠校顏氏刻本謂得於沈孝廉士龍家藏校本並手爲增補原缺固較黃見舊鈔本認訛較少但如卷八竟脫沙苑苦菜條至數百字之多此外舊鈔勝處尤多時值太平洋戰爭爆發天下雖亂吾心不亂竭七日之力爲之寫校訖凡用墨筆者非刻本之誤乃錄副者之誤也藉以別之辛巳夏正十一月朔日約園

篆法偏旁點畫辨 釋篆法辨 余訪書得篆法偏旁點畫辨釋篆法辨知爲吾四明人士應在撰而不知其何時人嗣見錢塘汪沆小眠齋讀書日札云篆文辨訣一卷明句章應在止善輯仁和莫可易震生增次海鹽孫爾振允揚篆正私以爲汪氏既題明代人必有所據但未知明代之初抑明代之季且不知句章者慈乎鄞乎今偶檢張金吾藏書志有應子篆法偏旁點畫辨一卷釋篆法辨一卷註明刊本元應在撰前有自序從舊鈔本補錄是書根據篆書以訂隸楷之誤取俗書之戾於篆者辨正點畫剖析毫釐括作七言詩歌以便誦讀冠之篇首曰篆法偏旁點畫辨在又自爲之注曰辨釋篆法辨其書刊謬訂誤至爲精密非究心篆法者不及此述古堂書目倪氏補元史藝文志俱著錄皆未詳其名知其未見自序也伏讀欽定佩文書畫譜有元應在篆法辨訣採入卷四論書卽篆法偏旁點畫辨也張金吾藏書記又載篆法偏旁點畫辨一卷注舊

鈔本後錄應在止善甫自序然則汪氏所謂明人者誤矣抑或汪氏別有所據元享國僅八十年元之未明之初亦未可知也要之此書可寶況爲吾鄉哲之書當歸安姚彥侍刻咫進齋叢書時搜得此本將入之故題咫進齋叢書五字於書縫不知何以於第一第二集未錄意者以其時代無可考乎余既先見讀書日札又見愛日廬藏書志因得考其詳焉且即以詩歌言亦古奧不俗余真歲得湯豫亭叢書六書辨異二卷將刻入四明叢書以其於六書多有辨證茲又得此擬同刊入第八集咫進所遺者由余補之不成一佳話乎甲申孟冬約園

史部

劉今度批校史記 辛未秋余得此書於金陵卷首有涉江者記曰莫氏邵亭書目記何子貞有明武進吳中珩刊史記正文當卽此本莫氏誤記新安爲武進耳惟一卷本紀題吳中珩而表書以下則題吳勉學當是一家所刊俟考其眉批書法致佳而一卷有象先今度二印是國初劉今度也今度工書應出其手筆余初得其前半繼得後半乃合爲全璧亦奇矣云云涉江姓氏未詳眉批大致不出議事評文校勘三類自首至尾精神貫澈不論其是否出劉今度手筆要可貴也涉江兩次始獲全璧得書豈無因緣耶愛誌之乙酉春約園

翁元圻批校史記 此書壬申冬得於海上凡三十二冊卷首有姚江翁元圻手批七字卷末有翁元圻誌云余讀書龍泉山莊每遇春夏無事之際問此消閒並批是傳數年之心力今春始成爰綴數言於後道光壬午花朝日余徧覽之目錄上加圈者二十一

五卷本紀項引本此卷楚之際月
庚高祖功臣侯者年表孔子世家

房武家信傳與列傳並存平定信傳與列傳並存

眉批分墨筆朱筆深藍筆三種而以朱筆爲

多觀字體出自元圻觀筆者絕少且詳略不一如夏殷周本紀蔡本紀皆無批至始皇本紀項羽本紀則特詳高祖呂后孝文孝景孝武本紀亦無之三代世表以下至惠景間侯者年表止又詳焉禮樂律歷天官書極略惟封禪較詳而平準爲最備及至世家如吳齊魯以迄田氏可謂片句全無雖孔子世家亦然也獨列傳詳者居多然如匈奴傳西南夷傳則又不加一語矣余正推勘此書十年前有友某告余曰此趙晉半部論語耳余聞而怪之友曰俞氏批是書本全部也書買作偽分而二之君得其半其半得者余尙識其人它日可爲媒介合璧余乃恍然於是書詳略之故矣然友某未獲再見今其姓名亦忘之安得如涉江氏兩次獲全書以成此因緣耶然卽半部論語其精核處確已有過人者矣俞氏元圻字載青號鳳西乾隆四十六年進士授禮部主事迭晉湖南布政使兩攝巡撫聖史議內用太常少卿致仕著有困學紀聞注餘姚縣志有傳乙酉春約園

全祖望刪定晉書

謝山有此書余久知之陳良初謂余如欲得此可與余本家丹澤叔

後裔相商或可讓也言之數年未曾踐行歲已已晤孫鶴皋謂有甬人以書求傳者是書在其中余趨而視之乃以五百番購歸書中鈐有盧氏抱經樓藏書圖記書首有陳詠橋先生勸題云汪嘯麓甥示余晉書舊爲郡中盧氏抱經樓所藏經謝山全先生點竄刪削因歎前賢讀書獨出手眼其用功之精勤如此竊意先生於諸史必當各有校勘定本惜今不獲書見盡卽此一編良足珍也嘯麓其寶藏之同治壬申重九日題於四餘讀書之室云余旣得此因屬王彥聞就謝山

所刪改者一一錄名曰謝山點竄晉書校記別存之其刪削大旨納司馬懿師昭於武帝本紀懿仍宣王之號師仍景王之號昭仍文王之號史例宜爾至於列傳之人有宜移入載記者一一改列此外文辭亦多刪改所見正大然此書欲付刻非細爲整齊不可若思其次惟有用珂板印行以存其真耳姑俟它日與作家商定乙酉春約圖

手校宋南宮靖一小學史斷 余於壬戌歲春得小學史斷於海上乃明嘉靖戊戌年仿端平

丙申刻也靖一字仲靖又號靖叔又曰坡山主人

號一作

主人有序云自古國於天地間者能使

朝廷清明君君臣臣父子子夫夫婦婦各盡其分而小人不得以勝君子夷狄不得以干中夏者以其能扶植此道也孔子作春秋實倡此道遯固而下則昧於是至本朝伊洛大儒與門人論史始發明此意故范氏作唐鑑其出於程門者爲多至朱文公綱目一書成而後古今之大經大法粲然如指諸掌余讀史撫卷而竊嘆夫古今盛衰治亂之原不外是也云仲靖史斷之作大指在是宋以後則廬陵晏彥文續著也至元爲止其議論亦復正大刻者則吾四明張木氏余寶是書久矣歲壬午見適園張氏鈞衡所藏宋本爲黃蕘圃舊物有嘉慶十年九月跋又有道光丙戌秋琴川張蓉鏡笑川氏誌因以宋本一一與嘉靖張刻本對勘校於是書之上然宋本雖有誤者而實勝明刻遠矣惟宋以後晏氏所續者則無可校耳此書不獨爲初學讀史之津逮卽精於史者亦宜迴誦一遍庶得史學之正統余故樂爲之手校焉黃跋張跋並附存之乙酉春約圖

黃跋云此小學史斷錢唐何夢華藏書也夢華居杭每至吳必向坊間捆載而去謂有友人托購者曾欲購余宋元諸名家詞并元人曲本議價未果而去既而攜宋刊魏鶴山儀禮要義欲